



Meeqqanut Inuusuttunullu Naalakkersuisoqarfik

**Meeqqat 18-it inorlugit ukiullit
kinguaassiuutitigut
atornerlunneqarsimasut
taakkununngalu
angajoqqaajusut/angajoqqaatut
akisussaatitaasut, tarnip
pissusaanik ilisimasalimmit
piaartumik ikiorserneqarnissamik
inatsisitigut
pisinnaatitaaffeqalernissaannut
periarfissat pillugit nassuiaat**

Meeqqat 18-it inorlugit ukiullit kinguaassiuutitigut atonerlunneqarsimasut taakkunungalu angajoqqaajusut/angajoqqaatut akisussaataasut, tarnip pissusaanik ilisimasalimmit piaartumik ikiorserneqarnissamik inatsisitigut pisinnaatitaaffeqalernissaannut periarfissat pillugit nassuiaat

Namminersorlutik Oqartussat

Meeqqanut Inuusuttunullu Naalackersuisoqarfik

Imaneq 4
Postboks 260
DK-3900 Nuuk
Kalaallit Nunaat

ian@nanog.gl

Oqarasuaat (+299) 34 50 00

Imarisaanut takussutissiaq

1. Aallaqqaasiut
2. Paasissutissat
3. Meeqqanik kinguaassiuutitigut atornerlunneqarsimasunut neqeroorutit
4. Inatsisit
5. Periuserineqartut

1. Aallarniut

Inatsisartut UPA2022-mi meeqqat 18-it inorlugit ukiullit kinguaassiuutitigut atornerlunneqarsimasut taakkunungalu angajoqqaajusut/angajoqqaatut akisussaatisaat, tarnip pissusaanik ilisimasalimmit piaartumik ikiorserneqarnissamik periarfissaqalernissaannik pisinnaatitaaffeqalernissaat pillugu nassuiaasioqullugit Naalackersuisut peqquneqarnissaat akueraat. Nassuiaammi periutsit periarfissaasut misissorneqassapput taakkunungalu piumasqaatit qulaajarneqassallutik, tassunga ilanngullugit aningaasaqarnikkut allaffissornikkullu kingunissat.

Aalajangiiffisassatut siunnersuummik Inatsisartut suliarinninneranni siunnersuummut attuumassuteqartut suliniutit ingerlanneqartut Naalackersuisunit alaatsinaaqquneqarput. Suliniutinut ilaapput *Killiliisa - Lad os sætte grænser*, kinguaassiuutitigut atornerluinerit unitsinnissaannut Naalackersuisut periusissiaannik, 2018-2022-mik - Meeqqat illuat pillugu suliniummik 2022-2024-mik kiisalu *Kalaallit Nunaanni meeqqanut inuusuttunullu atugarliortunut pitsaanagerusumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneq*, 2020-2030 suliniutinik nalilersuinerit.

Inatsisartut Ilaqutariinnermut Peqqissutsimullu Ataatsimiititaliaannit isumaliutissiisummi ataatsimiititaliamit oqaatigineqarpoq meeqqat kinguaassiuutitigut atornerlunneqarsimappata meeqqanut taakkulu angajoqqaavinut neqeroorutaasartut suliniutit pitsaanagerulersinnissaat amerlasuunit isumaqatigiissutigineqarpoq. Aammattaaq nassuiaatip imarisaanut tulluurtunik kommunit suliniutaannut Naalackersuisut ataatsimiititaliamit alaatsinaaqquneqarsimapput, taamaalilluni taakku nassuiaammi allaaserineqarlutillu immikkoortutullu ilaallutik.

2. Paasissutissat

Meeqqanik kinguaassiuutitigut atornerluinerit annertussusaat qaffasissorujussuuvoq. Politiit Ukiumut nalunaarusiaannit 2023-meersumit takuneqarsinnaavoq meeqqanut 15-it inorlugit ukiulinnut kinguaassiuutitigut atornerluisimanernik nalunaarutit 249-usimasut. Tamanna 2022-mut naleqqiullugu malunnartumik appariarsimavoq, meeqqanik 15-it inorlugit ukiulinnut pinngitsaaliinerit, kinguaassiuutitigut atoqateqarsimanerit kannguttaalliorfiginninnerillu pillugit nalunaarutit 292-iusimallutik. 2021-mi meeqqanut 15-it inorlugit ukiulinnut kinguaassiuutitigut pinerluuteqarnerit 249-t nalunaarutigineqarsimapput. 2020-mi nalunaarutit 338-usimapput 2019-milu nalunaarutit 225-usimallutik.

Nalunaarusiamit "Kalaallit Nunaannit 15-34-nik ukiullit akornanni tarnikkut timikkullu peqqissuseq" 2021-mi SDU-mit saqqummersinneqartumit takuneqarsinnaavoq kinguaassiuutitigut atornerlunneqarsimasut affaasa missaannaat nalunaarutigineqarsimasut. Nalunaarusiamut paasissutissatut tunngavigineqartoq tassaasimavoq Innuttaasunik misissuineq 2018-imeersoq.

Meeqqanut kinguaassiuutitigut atornerluinernut tunngasunik saaffiginnissutinik arlalissuarnik Tusaannga tigusaqartarpoq. Tusaannga piffissami 2021 - 2023-mi meeqqanut 18-it inorlugit ukiulinnut kinguaassiuutitigut atornerluinerit pillugit 97-inik oqaloqateqarsimavoq piffissamilu tassani 18-25-nik ukiulinnut inuusuttunut kinguaassiuutitigut atornerluinerit pillugit oqaloqateqarnerit 115-iusimallutik.

Kinguaassiuutitigut atornerlunneqarsimasunut meeqqanut ilaqtanit qanigisaniit saaffiginnissutit pillugit kisitsisinik peqanngilaq.

Nassuiaammi "Apsiseq - Ilaqtariinnut katsorsaavinnut atassuteqartunut meeqqanut, inuusuttunut taakkulu ilaqutaannut ikorfartuinnermut katsorsaanermullu illu najugaqarfillu" 2024-imeersumi meeqqanut, inuusuttunut taakkulu ilaqutaannut pitsaaliuineq katsorsaanerlu pillugit kommunit neqeroorutaat allaaserineqarput.

Nassuiaat "Kalaallit Nunaanni meeqqanut inuusuttunullu atugarliortunut pitsaanagerusumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneq 2020-2023"-mut tunngaviusut iluanni suliarineqarsimavoq.

3. Meeqqanik kinguaassiuutitigut atornerlunneqarsimasunut neqeroorutit

Meeqqanik inuusuttunillu kinguaassiuutitigut atornerluinerit akiorniarneri ukiorpassuarni suliaasaqarfinni pitsaaliuinerit eqqarsaatigalugit aamma kinguaassiuutitigut atornerlunneqarsimasunut ikiuinerit katsorsaanerillu eqqarsaatigalugit salliutinneqarsimapput.

Tusaannga

Ajornartoorfinni sianerfissaq sapaatip akunnerani ulluni tamani ulloq unnuarlu ammasoq. Ajornartorsiutit nammineq aaqqissinnaangisat pillugit kikkulluunniit Tusaanngamut attaveqarlutillu oqaloqateqarsinnaapput. Innuttaasut saaffiginnittut tassaasinnaapput kinguaassiuutitigut atornerlunneqarsimasut ilaqutaallu. Taakku Tusaanngamut attaveqarsinnaapput siulliullutik oqaloqatiginnissinnaasut aamma meeqqap, inuusuttup inersimasullu ikiorneqarnissamat sumut saaffiginninnissaannut siunnersuuteqarlutik ikiuussinnaasut.

Tusaanngamut sianernejq imaluunniit sms-erneq akeqanngilaq innuttaasullu kinaassusertik isertorlugu saaffiginnissinnaallutik.

Tusaannga tarnip pissusaatigut ilisimasalittut pilertortumik ikiuisinnaanngilaq, kisiannili Tusaanngami siunnersortit tusarnaarsinnaallutillu oqaloqateqarsinnaapput. Oqaloqateqarnermi meeraq kinguaassiuutitigut atornerlunneqarsimasoq pineqarpat innuttaasoq saaffiginnissimasoq suleqatigalugu nalunaarummik Tusaannga nassiussissaaq. Nalunaarut kommunimut nassiunneqassaaq.

Meeqqanik katsorsaallutik angalasartut

Meeqqanik katsorsaallutik angalasartuni siunertaq tasaaneruvoq kinguaassiuutitigut atornerlunneqarsimasunik meeqqanik inuusuttunillu 18-it inorlugit ukiulinnik aamma meeqqanik allanik innarliisimasunik meeqqanik qulaajaaneq katsorsaanerlu.

Neqeroorut nunamut tamarmut tunngasuvoq suliniullu kommunit noqqaanerisigut illoqarfinni aallartinneqartarluni. Meeqqanik katsorsaallutik angalasartut Nuummi aallaaveqarput ilaatigut Nuummiit ilaatigullu angalasarnikkut suliniutit isumagineqartarlutik.

Suliniutinut meeqqanik inuusuttunillu kinguaassiuutimikkut atornerlunneqarsimasunik qulaajaanerit katsorsaanerillu ilaatinneqarput. Suliniutinut aamma meeqqap isumassuisuanik ikiorsiineq aamma najugaqarfimmi sulisunik piginnaanngorsaanerit ilaatinneqarput, tamatumani kinguaassiuutitigut atornerluinernut attuumassuteqartunik ilisimasat

katsorsaariaatsillu tunngavissinniarlugit. Katsorsaaneq ukioq ataaseq sinnerlugu siviutiginnaasarpoq.

Angalasartuniit katsorsaasut tassaanagerusarput tarnip pissusaanik ilisimasallit.

Meeqqanik katsorsaallutik angalasartut politiinik, pigaarnertut kannguttaatsuliorfigineqarsimasunik sullissivimmik, annertunerusumik suleqateqalersimapput.

Meeqqanik katsorsaallutik angalasartut sumiiffinniitillutik pisariaqartitsisoqarnerani pilertortumik tarnikkut katsorsaasinnaapput. Tamatuma saniatigut Meeqqanik katsorsaallutik angalasartut pilertortumik tarnikkut katsorsaaneq ajorput.

Meeqqat illui

Suliniut taanna illoqarfinni pingasuni Maniitsumi, Ilulissani aamma Tasiilami misiligutaasumik pilersinneqalerpoq. Suliniut piffissami 2022-2024 Danmarkimi aningaasanut inatsisikkut katillugit 16,9 mio. kr.-inik aningaasalersorneqarpoq.

Meeqqat persuttarneqarsimasut aamma/ imaluunniit kinguaassiuutimikkut kannguttaatsuliorfigitissimasut sumiiffimmi aalajangersimasumi pitsaassusilimmik, qajassuussisumik aamma nukiit atornerqarsinnaasut atorlugit suliniuteqarfigineqarnissaat Kalaallit Nunaanni meeqqat illuinik pilersitsiniarnermi siunertarineqarpoq. Meeqqat illui tassaassapput meeqqat kannguttaatsuliorfigineqarsimatillugit oqartussaaffiup iluani suliaqartartut allat suleqatigineqartarnerini ataatsimoortumik sinaakkusiisussat. Oqartussat akuusut tassaapput kommuni, politiit, peqqinnissaqarfik oqartussallu allat.

Meeqqat Illuisa sullitassaar tassaapput meeqqat inuusuttullu 18-inik ukioqalertussat tikillugit persuttarneqartarnerinik aamma/ imaluunniit kinguaassiuutimikkut kannguttaatsuliorfigitinnerinik ilisimaneqartut imaluunniit pasitsaanneqartut. Taakkua saniatigut meeqqap qaninnertut isumassuisui meeqqat illuanni tamanik isiginnilluni aamma meeraq qitiutillugu sutigut tamatigut suliniuteqarnissaminnut tapersersorneqarsinnaapput. Meeqqap taassumalu qaninnertut isumassuisui oqaluttuamik oqaluttuaqqinnissaannut taassuma tunuarsimaartissavai taamaalillutillu suliaq tunngavigalugu pisarialimmik ikiorserneqarnissaq qulakkeerneqassaaq aamma meeqqamut taassumalu isumassuisuinut attuumassutilimmik tapersersuineramik periarfissaq pissarsiarisinnaassavaat.

Suliniummot aamma ilaapput najukkami sulisut meeqqat illuanni suliaqarfinni assigiinngitsunut attuumassutillit kannguttaatsuliorfigitissimasut suliaqarnissaminnut piginnaangorsarneqassapput taamaalillutillu najukkami sullissineq aallartissallugu.

Meeqqap tiguneqarnissaata qulakkeerneqarnissaa aamma nalaassimasamik kingunerluuteqarneq pillugu qulaajaanerup aallartinneqarnissaata Meeqqat illuisa qulakkiissavaat. Meeqqat illuini ataasiakkaani suliniutip qanoq ingerlanneqarneranut illuni ataasiakkaani isumalluutit apeqqutaassapput. Tarnikkut katsorsartinneqarluni pilertortumik ikiuineq meeqqat illuini tamani periarfissaanera qulakkeerneqanngilaq.

Meeqqanut Ilaqutariinnullu Sullissiviit aamma Ilaqutariit Illui

Meeqqanut ilaqutariinnullu sullissiviit aamma ilaqutariit illui kommunini illoqarfinnilu tamanik pilersinneqarsimapput. Taakku meeqqat tapersersorneqarnissaannut Inatsisartut inatsisaata allangortinnera pillugu Inatsisartut inatsisaanni nr. 68, 20. november 2023-meersumi § 55a

kiisalu meeqqat meeqqanut ilaqutariinnullu sullissiviit aamma ilaqutariit illui pillugit Namminersorlutik Oqartussat nalunaarutaat nr. 7, 26. januar 2024-meersumi malittarisassaqaartinneqarput.

Meeqqanut ilaqutariinnullu sullissiviit kiisalu ilaqutariit illui meeqqanut, inuusuttunut ilaqutariinnullu, tassunga ilanngullugit ilaqutariingulersut, meeqqat inuusuttullu inuttut atugarliortut imaluunniit immikkut ittunik pisariaqartitaqartut immikkut qitiutillugit suliaqarfii assigiinngitsut akimorlugit siunnersuisassapput, ilitersuillutillu katsorsaasassapput. Aamma meeqqat tapersorsorneqarnissaannut Inatsisartut inatsisaat naapertorlugu meeqqap inuusuttulluunniit angerlarsimaffittut kommunerisaani suliat pillugit sulianik suliarinnittartunut meeqqanut ilaqutariinnullu sullissiviit aamma ilaqutariit illui ilitersuillutillu siunnersuisassapput. Meeqqap inuusuttulluunniit angerlarsimaffittut kommunerisaani suliamik nalilersuinermi, misissuinermi qulaajaanermilu meeqqanut ilaqutariinnullu sullissiviit sulianik suliarinnittartoq ikiussavaat.

Meeqqanut ilaqutariinnullu sullissiviit minnerpaamik tullinnguuttunik neqerooruteqassapput:

- 1) Ilaqutariinni siunersioqatigiinnerit imaluunniit assigisaanik suliniuteqarnerit, tassani meeqqat inuusuttullu 18-it inorlugit ukiullit taakkualu ilaqutaat attaveqarfisartagaallu meeqqap pisariaqartitaanut ilungersornartitaanullu ilanngutitineqassapput, meeqqap atugarissaarnerata ineriartorneratalu tapersorsorneqarnissaa siunertaralugu inunnt ilanngutitineqartunut ataatsimoorlutik pisussaaffiliisumik angusassaliussallutik.
- 2) Aqqutissiuinertalimmik ilaqutariinnik katsorsaaneq.
- 3) Naartusunut atugarliortunut angajoqqaanullu marluk inorlugit ukiulinnik qitornalinnut siusissukut iliuseqarneq.
- 4) Oqaloqatiginnittarnikkut katsorsaaneq.
- 5) Siumoortumik piffissamik inniminneeqaarani innersuussinermilluunniit piumasaaqatitaqanngitsumik oqaloqatiginninnikkut ammasumik siunnersuineq.
- 6) Ajornartoornermi ikiuigasuarneq.

Ilaqutariit Illui minnerpaamik tullinnguuttunik neqerooruteqassapput:

- 1) Siumoortumik piffissamik inniminneeqaarani innersuussinermilluunniit piumasaaqatitaqanngitsumik oqaloqatiginninnikkut ammasumik siunnersuineq ilitersuinerlu.
- 2) Aqqutissiuinertalimmik ilaqutariinnik katsorsaaneq.
- 3) Ajornartoornermi ikiuigasuarneq.

Meeqqanut ilaqutariinnullu sullissivinnut aamma ilaqutariit illuinut sinaakkutit iluini kinguaassiuutitigut atornerlunneqarsimasunut meeqqanut kiisalu taakku angajoqqaavinut/angajoqqaatut akisussaatitaasunut tarnikkut katsorsaansamikkut pilertortumik ikiuinissaq pillugu neqeroorummik pilersitsisoqarnissaanik aalajangiinissamut periarfissaqarput. Tunngaviussarli tassaavoq pilertortumik ikiuisinnaasumik tarnip pissusaanik ilisimasalimmik atorfinitsitsisoqarsimanissaa imaluunniit pilertortumik ikiuisinnaasumik tarnip pissusaanik ilisimasalimmik internetikkut toqqaannartumik periarfissaqarnissaa.

Nuna Tamakkerlugu Katsorsaasarfik Siunnersuisarfillu

Tarnikkut atugarliornerminniit aniguisinnaatitsisumik ilinniarfinnut uteqqillutik imaluunniit sulileqqillutik innuttaasunut ikorfartuisumik, siunnersuisumik katsorsaasumillu tamanut ammasumik ataqatigiissutullu Isumaginninnermut Aqutsisoqarfimmi innuttaasunut sammisumik katsorsaattit neqeroorutininik pioreersunik aaqqiussuussamik pilersitsinissamik

Naalackersuisut piareersaapput. Suliniut Napatitsinermut siuariartortitsinissamullu pilersaarut 2-mi eqqaaneqarpoq.

Katsorsaaviup matumik ataatsimik saaffeqartarnissaq naammassissavaa aamma ikiortissarsiortarneq pisariillisassavaa.

Nuna tamakkerlugu katsorsaavimmi takorluugaq tassaavoq innuttaasut tarnikkut atugarliortut inuiaqatigiinni naleqquttumik peqataaleqqinnissaannut ikiuinissaq.

Katsorsaavik piareersarneqarpoq meeqqanullu kinguaassiuutitigut atonerlunneqarsimasunut kiisalu taakku angajoqqaavinut/angajoqqaatut oqartussaasunut pilertortumik tarnip pissusaatigut ikiuisoqarnissaanik neqeroorummik pilersitsinissamut katsorsaavik Meeqqanut katsorsaallutik angalasartunut inissaqartitsissanersoq qulaajarneqarsimanani. Katsorsaavik nunamut tamarmut saaffiginnittussaammat internetikkut toqqaannartumik ikiuisoqarsinnaassaaq.

4. Inatsisit

Meeqqat tapersorneqarnissaannut Inatsisartut inatsisaanni meeqqamut imaluunniit taassuma angajoqqaavinut/angajoqqaatut oqartussaasumut pilertortumik tarnip pissusaatigut ikiuinissamut inatsisitigut piumasaqaateqanngilaq.

Meeqqat tapersorneqarnissaannut Inatsisartut inatsisaanni § 25 naapertorlugu meeqqap ikiorserneqarnissamut immikkut pisariaqartitsinera annertuumik pingaaruteqartuusutut isigineqarsinnaappat aaqqiinerit pillugit kommunalbestyrelsi aalajangiissaaq. Aalajangersakkami ikiorsinissamut aaqqiissutissat arlallit allattorneqarput, kisianni tarnip pissusaatigut ikiuinissaq ilaanani. § 25, imm. 4, nr. 6-imi eqqaaneqarpoq "meeqqap ineriartornerata ingerlalluarnissaalu qulakkeernissaat siunertaralugit ikiorsineq alla." Kommuni taamaalilluni ikiorsiinertut tarnip pissusaatigut pilertortumik ikiuinissamik pilersitsinissaavoq, tamatumunngali tunngaviussalluni tarnip pissusaanik pilertortumik ikiuinissamut piviusumik kommunimut tamanna periarfissaanissaa.

§ 55a, imm. 5, nr. 5 naapertorlugu meeqqanut ilaqutariinnullu sullissiviit aamma ilaqutariit illui pillugit malittarisassanik erseqqinnerusunik Naalackersuisut aalajangersaasinnaapput, tassunga ilanngullugit meeqqanut ilaqutariinnullu sullissivinnut atatillugu meeqqat illuisa pilersinneqarneri ingerlanneqarnerilu pillugit malittarisassat. Inatsisitigullu tunngavissaq meeqqanut ilaqutariinnullu sullissiviit aamma ilaqutariit illui pillugit nalunaarummi atuuttumi meeqqat illui pillugit malittarisassanik erseqqinnerusunik aalajangersaanissamut atorneqarsimangilaq, tassa tamanna pillugu aalajangersakkamut tunngavissiisinnaasumik meeqqat illuinik naammaginnartunik misilittagaqartoqanngimmat.

Naatsorsuutigisaaq tassaavoq siunissami meeqqat illuinik amerlanernik ineriartortitsisoqassasoq, meeqqanut kinguaassiuutitigut atonerlunneqarsimasunut ikorfartuinerimi sinaakkusiisinnaasunik. Naatsorsuutigineqartoq aamma tassaavoq taamaaliornikkut meeqqat illui pillugit malittarisassaliornissamut tunngavissaqalernissaq, ilaatigut tarnip pissusaatigut pilertortumik ikiuinissaq pillugu neqerooruteqalerluni.

5. Periuserneqartut

Meeqqanut kinguaassiuutitigut atonerlunneqarsimasunut tarnip pissusaatigut pilertortumik ikiuinissaq pillugu inatsisitigut piumasaqaateqarsinnaanermut ilungersunartoq

pingaaruteqartoq tassaavoq tarnip pissusaatigut ikiuinissamut pisariaqartitsineranut naleqqiullugu tarnip pissusaanik ilisimasallit amigaataaneri.

Ikiuinissamut pisariaqartitsineranut naleqqiullugu tarnip pissusaanik ilisimasallit amigaatigineqarmata "pilertortumik tarnip pissusaatigut ikiuinissaq" pillugu inatsisitigut piumasaaqammut periusiusinnaasoq tassaasinnaavoq "inuttut inooqatigiinnertigullu pilertortumik ikiuinissamut" annertusineqarnera. Taamaalilluni kinguaassiuutitigut atonerlunneqarsimasunut meeqqanut pilertortuumik ikiuinissamut suliaqartut allat, pingaartumik tarnikkut nappaatilinnut katsorsaasartut ilaatilerneqarsinnaapput.

Pingaarnertut tarnip pissusaanik ilisimasalinnik amigaateqarnek pissutigalugu sumiiffinnut atatillugu periusissiamik aamma nuna tamakkerlugu periusissiamik peqartariaqarpoq.

Sumiiffinnut atatillugu periusissiaq tassaavoq meeqqanut ilaqutariinnullu sullissivinnut aamma ilaqutariit illuinut atasunik sumiiffinni meeqqat illuinik ineriartortitsisoqassasoq.

Nuna tamakkerlugu periusissiaq tassaavoq kinguaassiuutitigut atonerluinerit pillugit saaffiginnissutinik Tusaanngap tiguisarnissaa aamma Meeqqanut katsorsaallutik angalasartunut nuna tamakkerlugu siunnersuisarfik katsorsaasarfillu internetikkut toqqaannartumik neqerooruteqarnissaa, taanna taartit sumiiffimmi neqeroorutaasoq.

Inatsiseqarneq

Meeqqat tapersorneqarnissaannut Inatsisartut inatsisaannik allannguisoqarnissaanut atatillugu meeqqamut kinguaassiuutitigut atonerlunneqarsimasumut pilertortumik tarnip pissusaatigut ikiuinissaq aamma inuttut inooqatigiinnertigullu pilertortumik ikiuinissaq kiisalu meeqqamut qanigisaasunut ikiuinissaq pillugit Naalakkersuisut aalajangersakkanik ilanngussiniarput.

Allaffissornikkut aningaasatigullu kingunerisassat

Meeqqat tapersorneqarnissaannut Inatsisartut inatsisaata allanngortinnissaanut tunngatillugu allaffissornikkut aningaasaqarnikkullu kinguneqartitsisoqassanngilaq, tassa meeqqat tapersorneqarnissaannut Inatsisartut inatsisaanni § 25-mi "meeqqap immikkut ittumik ikiorneqartariaqarnera annertuumik pingaarutilittut isigisariaqarpat, immikkut ittunik ikiorsiinissaq" ilaareemat.

Meeqqat illuini pilertortumik tarnip pissusaatigut ikiuinissaq pillugu aalajangersagaq ilanngullugu meeqqanut ilaqutariinnullu sullissiviit aamma ilaqutariit illui pillugit nalunaarutip allanngortinnissaa eqqarsaatigalugu tamanna allaffissornikkut aningaasaqarnikkullu kinguneqartitsisussaassaaq. Allaffissornikkulli aningaasaqarnikkullu kingunissaanik missingersuinissaq maannakkut siusippallaarpoq, tassa illoqarfinni pingasuni misiligutitut meeqqat illui maannakkut taamaallaat pilersinneqarsimmata.